



Innkalling
av
Råd for menneske med nedsett funksjonsevne

Møtedato: 23.08.2022
Møtestad: Heradsstyresalen
Møtetid: kl.13:00 - 15:00

Eventuelle forfall må meldast til Runar Ludvigsen per tlf. 56192100, sms til eller per epost til runar.ludvigsen@osteroy.kommune.no

Varamedlemmer møter berre etter nærare avtale.

Sakliste

Saknr	Tittel
016/22	Godkjenning av innkalling og sakliste
017/22	Godkjenning av møtebok
018/22	Referatsaker og meldingar
1	Merknadar til detaljregulering Haus sentrum
2	VS: Innspill til kommunens samfunnsplan
019/22	Innspeil til kommunedelplan for idrett og fysisk aktivitet
020/22	Innspeil til oppstart av reguleringsplan for Helldal småbåthamn og strandsone, G/Bnr. 86/5, PlanID 46302022001
021/22	Høyringsinnspeil til planprogram for regional plan for senterstruktur og berekraftige lokalsamfunn
022/22	Andre saker/spørsmål

18. august 2022

Inge Johannes Reigstad
Leiar for rådet

Runar Ludvigsen
Sekretær

SAKSPAPIR

Saksnr	Utval	Type	Dato
016/22	Råd for menneske med nedsett funksjonsevne	PS	23.08.2022

Saksbehandlar	ArkivsakID
Runar Ludvigsen	22/2548

Godkjenning av innkalling og sakliste

Innkalling og sakliste vert godkjent.

Saksopplysningar:

Innkalling med sakliste er send ut.

SAKSPAPIR

Saksnr	Utval	Type	Dato
017/22	Råd for menneske med nedsett funksjonsevne	PS	23.08.2022

Saksbehandlar	ArkivsakID
Runar Ludvigsen	22/2548

Godkjenning av møtebok

Vedlegg:

Protokoll - Råd for menneske med nedsett funksjonsevne - 25.04.2022

Møteprotokoll frå vert godkjend.

Saksopplysningar:

Møteprotokoll er send ut til godkjenning.

Møteprotokoll

for

Råd for menneske med nedsett funksjonsevne

Møtedato: 25.04.2022
Møtestad: Heradstyresalen
Møtetid: kl. 14:30 - 16:00

Ekstramøte i samband med sak om Pasientreiser

Frammøtte medlemmer	Parti	Rolle
Inge Johannes Reigstad		Utvalsleiar
Aksel Låstad		Nestleiar
Oddvar Melchersen		Medlem
Ingvild Stuberg		Medlem
Berit Moslett Borge	H	Medlem

Forfall meldt frå medlem	Parti	Rolle
Dagrun Vevle		Medlem

Følgjande frå administrasjonen møtte: politisk-adm.sekretariat

Sakliste

Saknr	Tittel
013/22	Godkjenning av innkalling og sakliste
014/22	Godkjenning av møtebok
015/22	Møte med Pasientreiser/Helse-Bergen

013/22: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

25.04.2022 RÅD FOR MENNESKE MED NEDSETT FUNKSJONSEVNE

Det var ingen merknader til innkalling og sakliste

RFF - 013/22 VEDTAK:

Innkalling og sakliste vert godkjent.

014/22: Godkjenning av møtebok

Rådmannen sitt framlegg:

Møteprotokoll frå vert godkjend.

25.04.2022 RÅD FOR MENNESKE MED NEDSETT FUNKSJONSEVNE

RFF - 014/22 VEDTAK:

Det vert ikkje gjort noko vedtak i saka

015/22: Møte med Pasientreiser/Helse-Bergen

Rådmannen sitt framlegg:

25.04.2022 RÅD FOR MENNESKE MED NEDSETT FUNKSJONSEVNE

Viseadministrerende direktør i Helse-Bergen møtte for å gi ein status i saka, svare på spørsmål og ta imot tilbakemeldingar frå rådet

RFF - 015/22 VEDTAK:

Det vert ikkje gjort noko vedtak i saka

Til å skriva under møteprotokollen saman med leiar for rådet vart desse valde: Oddvar Melchersen og Berit Borge

Lonevåg, 25.04.2022

Runar Ludvigsen
Sekretær

SAKSPAPIR

Saksnr	Utval	Type	Dato
018/22	Råd for menneske med nedsett funksjonsevne	PS	23.08.2022

Saksbehandlar	ArkivsakID
Runar Ludvigsen	22/2548

Referatsaker og meldingar

Underliggjande saker:

Saksnummer	Tittel
1	Merknadar til detaljregulering Haus sentrum

Saksnummer	Tittel
2	VS: Innspill til kommunens samfunnsplan

"Referatsakene vert tekne til vitande."

Saksopplysningar:

Til Planavdelinga Osterøy Kommune

Frå Eldrerådet i Osterøy Kommune og

Råd for menneske med nedsatt funksjonsevne i Osterøy Kommune

MERKNADER TIL DETALJREGULERING HAUS SENTRUM

Representantar frå begge råda var på synfaring den 30.juni i Haus. Vi hadde med kart og gjekk gjennom den framlagte planen.

Først vil vi understreke at det er veldig bra at der endeleg skjer noko positivt med bygging av nye boligar i Haus sentrum. Den framlagte planen har mykje positivt i seg. Råda har nokre merknader/forslag som vi meiner vil gjere planen endå betre og at forhalda for brukarane vert sikrare. Dette gjeld fotgjengerovergangar, som vi ikkje kunne sjå var teikna inn.

MERKNADENE:

- vedr. overgang frå vegen frå Åsheim til fortau ved busslomme ned mot Kiwibutikken. Der er ingen overgang i dag og vi meiner det bør det vere, både for dei som skal til bussstoppet, til butikken eller skal vidare til skule/barnehage. Kartreferanse mellom o_SH og H140
- vedr. overgang frå fortau ved ny lavblokk til fortau ved innkjøring parkering. Her meiner råda det må koma ein overgang, ca. 5-6m frå innkjøringa. Kartreferanse frå o_SF2 og til o_SF1
- i tillegg meiner råda det må koma ein overgang frå slutt på fortau ved kyrkja og til fortau langs Votlovegen (som vi meiner må vere der framleis). Kartreferanse i krysset ved o_SVG og o_SF3.

Dessuten må nedgang frå bussskur til parkeringsplassen ved butikken utbetrast slik at det er trygt og plass nok for rullestol/barnevogn, og at stigning er i henhold til universell utforming. Kartreferanse frå bussskur o_SP og ned til o_SPP1

Så er det viktig at det vert ein overgang i innkjøringa til parkeringsplassen, då det er fortau på begge sider. Kartreferanse innkjøring frå o_SV1 og til o_SPP1.

Alle overganger må lagast i henhold til universel utforming. Det gjeld med tydeleg merking i veibane, skilt og ledelinjer, og gjerne med lys. Dette gjeld også overgangen som er ved innkjøring til barnahage/snuplass buss. Der er det er ikkje ledelinjer. Og her trengs det kanskje lys då det er litt mørkt der med ein del litt store tre på sida.

Det er viktig at der vert gode avslutningar/start på fortaua, slik at dei vert lett å koma opp å ned av, både med rullestolar, rullatorar, barnevogner.

Råda ønskjer også at det vert merka opp parkeringsplassar ved kyrkja og at HC parkeringsplassane ved Kiwibutikken vert merka med symbol i asfalten. Ingen merking i dag.

Råda ønskjer kommunen lukke til med det vidare arbeid med planen.

For råda


Inge Johs. Reigstad

Fra: Post Osterøy <post@osteroy.kommune.no>

Sendt: 12.08.2022 08:48:49

Til: Ingvild Kirsti Hjeltveit <ingvild.kirsti.hjeltveit@osteroy.kommune.no>, Runar Ludvigsen <runar.ludvigsen@osteroy.kommune.no>

Emne: VS: Innspill til kommunens samfunnsplan

Fra: Aldersvennlig Norge <AldersvennligNorge@helsedir.no>

Sendt: torsdag 11. august 2022 14:29

Emne: Innspill til kommunens samfunnsplan

Til kommunedirektører, eldreråd, ungdomsråd og råd for mennesker med nedsatt funksjonsevne,

I disse dager skal dere gi innspill til kommunenes samfunnsplaner. I den forbindelse ønsker vi, som har fått i oppdrag av Helse- og omsorgsdepartementet å arbeide for et aldersvennlig Norge, å komme med noen innspill som vi håper er nyttige og som dere **kan bruke som synspunkter** til de lokale samfunnsplanene.

Et aldersvennlig samfunn er vennlig for alle. Derfor har vi også involvert både ungdomsråd og rådet for mennesker med nedsatt funksjonsevne i denne påminnelsen om at dette ikke er noe et nasjonalt råd kan løse. Men vi kan sette søkelyset på hva som må til, og så tar dere det videre.

Se vedlagt brev.

Vennlig hilsen



Berit Brørby

Leder, Rådet for et aldersvennlig Norge

www.aldersvennlig.no

Helsedirektoratet

Postadresse: Pb 220 Skøyen, 0213 Oslo

Besøksadresse: Ystenesgata 6B, 6003 Ålesund

Til kommunedirektører, eldreråd, ungdomsråd og råd for mennesker med nedsatt funksjonsevne

Dato: 11.08.2022

Innspill til kommunenes samfunnsplaner

I disse dager skal dere gi innspill til kommunens samfunnsplaner. I den forbindelse ønsker vi, som har fått i oppdrag av Helse- og omsorgsdepartementet å arbeide for et aldersvennlig Norge, å komme med noen innspill som vi håper er nyttige **og som dere kan bruke som synspunkter til de lokale samfunnsplanene.**

Et aldersvennlig samfunn er vennlig for alle. Derfor har vi også involvert både ungdomsråd og rådet for mennesker med nedsatt funksjonsevne i denne påminnelsen om at dette ikke er noe et nasjonalt råd kan løse. Men vi kan sette søkelyset på hva som må til, og så tar dere det videre.

Et mål og en metode

Aldersvennlig samfunn er et mål, men er også blitt en metode for samfunnsutvikling. Vi blir flere eldre som lever lenger, og det er nødvendig å legge til rette for en god og aktiv alderdom.

Arbeidet med et aldersvennlig samfunn innebærer å skape uteområder og møteplasser på tvers av generasjoner og funksjoner. Boligutviklingen fremover må også i større grad ta inn over seg den demografiske utviklingen og reflektere større mangfold, mer samarbeid på tvers, nye boformer og innovasjon. Transport og en universelt utformet reisekjede er avgjørende for deltagelse i aktiviteter og samfunnslivet. Kan vi tenke mer fleksibilitet og tilretteleggelse innenfor de transportløsninger vi har? Aktiviteter innen kultur, frivillighet og fysiske og sosiale samlinger er viktig at blir utformet og tilbudt i tråd med ønsker og behov fra innbyggere. Det er viktig at kommunene tilrettelegger for en bred digital inkludering for å sikre at innbyggere ikke faller utenfor. Medvirkning i all utvikling er kjernen i aldersvennlig samfunnsutvikling.

Et aldersvennlig samfunn må forankres i samfunnsplaner, arealplaner og gjerne også i egne temaplaner og ses i sammenheng med kommunens øvrige planer. Aldersvennlige tiltak har synergier til bærekraftig utvikling, smart utvikling og lokal samfunnsutvikling.

Som brukerråd har dere en viktig oppgave i arbeidet med kommuneplanene. Dere kan for eksempel etterlyse om det er tenkt aldersvennlig i kommunens samfunns- og arealplaner. Spørre om det er planlagt tiltak for uteområder/møteplasser, boliger, transport og aktiviteter som er tilgjengelige på tvers av generasjoner og funksjoner?

Senteret for et aldersvennlig Norge, som også er sekretariat for Rådet for et aldersvennlig Norge, har i oppgave å etablere et nettverk for aldersvennlige lokalsamfunn. Dette er en møteplass for utveksling av kunnskap, fora for fagutvikling, verktøy og veiledning i aldersvennlig utvikling for kommunene. 190 kommuner er per i dag med i nettverket. Sjekk om din kommune er med i nettverket og er aktiv? En aldersvennlig samfunnsutvikling kommer alle til gode.

Med vennlig hilsen



Berit Brørby

Leder Rådet for et aldersvennlig Norge

For mer info om Senteret for et aldersvennlig Norge og aktiviteter: www.aldersvennlig.no

SAKSPAPIR

Saksnr	Utval	Type	Dato
019/22	Råd for menneske med nedsett funksjonsevne	PS	23.08.2022
019/22	Eldrerådet	PS	23.08.2022

Saksbehandlar	ArkivsakID
Runar Ludvigsen	21/528

Innspel til kommunedelplan for idrett og fysisk aktivitet

Rådmannen gir ikkje framlegg i denne saka

Saksopplysningar:

Saksopplysningar:

Vi lagar ny kommunedelplan for idrett og fysisk aktivitet. No ønskjer vi innspel til korleis vi kan leggje til rette for at alle som bur på Osterøy kan halde seg aktive i sin eigen kvardag.

Denne våren har vi henta inn informasjon frå lag og organisasjonar, ungdomsrådet og hatt opne møter der vi har fått mange gode innspel og tilbakemeldingar om kva som er bra innanfor dei tilboda som finnes i dag, og kva som kan verte betre. Dette gjeld både idrettsanlegga våre og korleis vi kan skape nye arena som gjer at fleire får moglegheit til fysisk aktivitet.

Det er eit godt idrettstilbod i dag, og ungdommen er stort sett nøgde. Samstundes saknar mange eit breiare tilbod av aktivitetar. Vi treng difor dine idear og ønskjer til denne planen.

Vidare er moglegheita for fysisk aktivitet på Osterøy stor, og vi ønskjer innspel til korleis vi kan nytte naturen vår, samstundes som vi tek den i vare. Moglegheita skal vere der for innbyggjarar i alle aldrar og for alle funksjonsnivå.

Ønskjer du å kome med innspel til planen, send ein e-post til post@osteroy.kommune.no , eller pr brev til Osterøy kommune, postboks 1, 5293 Lonevåg.

Fristen er sett til 31.august.

Innspela vert vurdert og eit samla planforslag vert sendt på høyring og offentleg ettersyn etter politisk handsaming.

Spørsmål kan rettast til Linda Svidal Nordås (linda.svidal.nordas@osteroy.kommune.no) og Wenche-Mari Bliksås (wenche-mari.bliksas@osteroy.kommune.no).

Konklusjon

Saka vert lagt fram for eldrerådet og råd for menneske med nedsett funksjonsevne for moglegheit for innspel.

SAKSPAPIR

Saksnr	Utval	Type	Dato
020/22	Eldrerådet	PS	23.08.2022
020/22	Råd for menneske med nedsett funksjonsevne	PS	23.08.2022

Saksbehandlar	ArkivsakID
Runar Ludvigsen	22/1201

Innspel til oppstart av reguleringsplan for Helldal småbåthamn og strandsone, G/Bnr. 86/5, PlanID 46302022001

Vedlegg:

Brev frå CUBUS AS - Varsel om oppstart av reguleringsplan for Helldal småbåthamn og strandsone, gnr. 86, bnr .5 m.fl, PlanID 46302022001, Osterøy kommune

Rådmannen gir ikkje framlegg til vedtak i denne saka

Saksopplysningar:

Saksopplysningar:

Sjå vedlagt dokument utsendt frå arkitektgruppa CUBUS AS

Konklusjon

Saka vert lagt fram for eldrerådet og råd for menneske med nedsett funksjonsevne for moglegheit til innpel.

Eldrerådet i Osterøy v/ Turid Reigstad

J.nr: 068-22/HKV

Bergen, 01.07.2022

Varsel om oppstart av reguleringsplan for Helldal småbåthamn og strandsone, gnr. 86, bnr .5 m.fl, PlanID 46302022001, Osterøy kommune

I medhald av plan og bygningslova §§ 12-3 og 12-8 vert det varsla oppstart av privat reguleringsplan for gnr 87, bnr 5 m.fl. Forslagsstillarar og grunneigarar er Arve Mjøs, Aksel Mjøs, Kari Mjøs. Utførande plankonsulent er Arkitektgruppen CUBUS AS.

Planstatus og bakgrunn for oppstart av reguleringsplan

Planområdet er regulert til føremål kombinerte bygg og anlegg (BKB2) og LNF i Osterøy kommune sin kommunedelplan for sjø og strandsone. Føresegnene opnar opp for at det i området for BKB2 skal: *« etablerast småbåthamn, felles lagringsbodar og felles tilflotsbrygger, naust, mindre skjerming for bølger og friområde. Føremålet er å sikre fleire småbåtplasser, badeområde og tilkomst til sjø. God landskapstilpassing og felleskapssløysingar skal ha eit særskild fokus. Detaljer skal avklarast i reguleringsplan (PBL § 11-9, nr. 5 og 6).»*

Delar av planområdet har vore varsla tidlegare i oppstart av i 2019 i reguleringsplan *Hoshovdstølen bustad og strandsoneplan*. Planen vart lagt ut til 1.gongshøyring sommaren 2021 og la opp til eit nytt bustadområde, hamn med småbåtanlegg, strandsti og ny gangsamband til Hosanger over Åsen. Grunna m.a. tidkrevjande prosess og uavklarte problemstillingar knytt til gangvegen over Åsen har tiltakshavarane - etter tilråding frå Osterøy kommune - vedteke at strandsona/hamneområdet skal takast ut av reguleringsplanen for Hoshovdstølen, og at dette området vert regulert i ein eigen plan. Dette er ynskjeleg både av omsyn til pågåande hytteutbygging på Helldal og for å sikre ålmenn tilgjenge til sjø og strandsone i tråd med Osterøy kommune sin kommunedelplan for sjø og strandsone. Det er same tiltakshavarar i reguleringsplanen for Hoshovdstølen bustad og strandsoneplan, som i denne planen som no vært gjennomført som ein eigen plan.

Planområdet

Planområdet har ein storleik på ca. 74 daa og ligg nordvest for Hosanger sentrum. Planområdet omfattar areal både på land og i sjø og er synt i vedlagte kart. Helldalsholmen er inkludert i planområdet.

Planen legg opp til ei opprydding og vidareutvikling av hamneområdet og betra ålmenn tilgjenge til strandsona og friluftaktivitetar i strandsona. Det er ynskje om å leggje til rette for universell tilkomst frå ny p-plass til strandsona/kaiområdet, etablering av småbåthamn for omlag 60 båtar og 2-3 nye fellesnaust for lagring av utstyr knytt til sjøretta aktivitet. Det er eit mål at båtplassar som i dag er løyst med flytebyggjer i hamna får ny plassering i småbåtanlegget.

Intensjonane med planarbeidet

Motivasjonen for å setja i gang med regulering av hamneområdet og strandsona er behovet for å sikre ålmenn og universell tilkomst til strandsona, fellesnaust for lagring og handsaming av utstyr, kai for m.a.kajakkar o.l., og behov for nye eller omplasserte båtplassar. Det vert lagt opp til at Helldalsholmen sikrast som naturområde med vurdering om fuglelivet på holmen skal sikrast gjennom omsynssone.

Planen vil leggje til rette for utvikling av strandsona og hamneområdet for glede for allmenta. Tiltakshavarane arbeider for utvikling av bustad og hytteområdet i nærleiken. Desse vil og ha stor glede av betre tilrettelegging av strand og hamneområdet.

Oppsummering av føremål med planen

- Småbåthamn med omlag 60 båtplassar
- 2-3 fellesnaust for oppbevaring av reiskap knytt til sjøbruk (kajakk, segling, fiske osv.)
- Ein mindre parkeringsplass som er tenleg for vitjande og dei som har naust i strandsona
- Universell tilgjenge til ny kai og strandsone/badeplass
- Ålment tilgjengeleg badeområde

Medverknad og nærare informasjon

Det vert teke sikte på å arrangere eit felles møte med naboar og nausteigarar i reguleringsområdet så snart som råd for å drøfte mål for og moglege løysingar i planen. Informasjon og innkalling til dette vert informert om i eit eige brev.

For nærare informasjon om planarbeidet kontakt:

Arkitektgruppen CUBUS, v/ Hanne K. Vie, tlf. 488 61 570, epost: hanne@arkcubus.no

Merknader:

Merknader som kan ha verknad eller interesse for planarbeidet kan sendast til:

Arkitektgruppen CUBUS AS

PB 294 Sentrum

5804 Bergen

Eller sendast på e-post til hanne@arkcubus.no


Frist for merknadar er sett til den 31.08.2022

Alle dokument og merknader vert oppsummert, kommentert og oversendt til Osterøy kommune saman med planframlegget.


Med venleg helsing

Arkitektgruppen CUBUS AS

Vedlegg 1




Figur 1 Planområdet ligg ved Hosanger nordvest på Osterøy



Figur 2 Plangrensa ved oppstart av Hoshovdstølen bustad og strandsoneplan som vart varsla i 2019 inkluderte området i strandsona og hamnen. Hamnen og strandsona vert no regulert i ein eigen plan, sjå figur 3.





Figur 3 Planområde for ny plan Helldal småbåthamn og strandsone som også inkluderer Helldalsholmen.

SAKSPAPIR

Saksnr	Utval	Type	Dato
087/22	Plan- og kommunalteknisk utval	PS	24.08.2022
021/22	Eldrerådet	PS	23.08.2022
021/22	Råd for menneske med nedsett funksjonsevne	PS	23.08.2022
040/22	Ungdomsråd	PS	22.08.2022

Saksbehandlar	ArkivsakID
Pelle Engeseter	22/2526

Høyringsinnspel til planprogram for regional plan for senterstruktur og berekraftige lokalsamfunn

Vedlegg:

Planprogram for regional plan for senterstruktur og berekraftige lokalsamfunn på høyring (2)
Rådmannen sitt framlegg til vedtak: Høyringsinnspelet vert vedteke slik det ligg føre.

Saksopplysningar:

Saksopplysningar:

Planprogrammet for regional plan for senterstruktur og berekraftige lokalsamfunn er no på høyring. Vestland fylkeskommune inviterer til å kome med høyringsinnspel innan 23. september.

Med utgangspunkt i kartleggingar i kommunane og møte med Statsforvaltaren i Vestland, Statens vegvesen og fagavdelingane i fylkeskommunen, utfordringsnotat og kunnskapsgrunnlaget for utviklingsplanen for Vestland, er det føreslått seks plantema for regional plan for senterstruktur og berekraftige lokalsamfunn:

- senterstruktur
- utbyggingsmønster og arealbruk
- lokalisering av arbeidsplassar, tenester og tilbod
- utforming av omgjevnader
- bustadpolitikk
- born og unge, trivsel og tilhøyrse

Høyringsuttale

Merknader til dei seks plantema

Osterøy kommune meiner dei valde plantema er gode og utgjer ei grunnstamme i arbeidet for ein god senterstruktur og berekraftige lokalsamfunn. Det er likevel slik at fleire tema overlappar ein annan; «senterstruktur» omfattar i stor grad «lokalisering av arbeidsplassar, tenester og tilbod» og vil såleis vere overlappende; det same gjeld for tema «utbyggingsmønster og arealbruk» som er sterkt knytt til tema «bustadpolitikk». Det bør bli vurdert å slå saman overlappende og relaterte tema.

Me har merknader av ulike omfang til fleire tema, som vist under. Ein generell, men viktig merknad er at det er viktig å differensiere mellom by og bygd.

Senterstruktur

Osterøy kommune er samd med framstillinga og grunngjevinga av den regionale senterstrukturen slik i planprogrammet. Det er óg viktig å ha eit senterhierarki med ulikt teneste- og varetilbod i kommunane. Det er likevel viktig at planprogrammet tar høgde for senterstrukturen i kommunar som Osterøy gjerne skil seg frå «norma» gjennom at det er fleire små sentra og mange grender/bygder med sterk sjølvkjensle. Senterstrukturen i Regional plan for senterstruktur og berekraftige lokalsamfunn må ikkje vere slik at han kjem i konflikt med den faktiske senterstrukturen i mange kommunar. Det skal vere lov å byggje i mindre grender og bygdesamfunn utan at det skal kome i konflikt med overordna føringar. Omfanget av slik desentralisert utbygging må vere avklart i kommuneplanen sin samfunnsdel og/eller arealdel. Me ber om at planen tek opp denne problemstillinga.

Utbyggingsmønster og arealbruk

Det er viktig at planprogrammet set fokus på utbyggingsmønster i samanheng med fortetting, transformasjon, ombruk og sambruk av areal, bygg og transportsystem. Ei slik kopling er avgjerande for å oppnå berekraftsmål. Samstundes bør det også her drøftast om dei same retningslinene i same grad skal gjelde for kommunar med utprega ruralt utbyggingsmønster. Me meiner at skiljet mellom kommunar med stor grad av urban struktur og kommunar med stor grad av rural struktur må problematiserast i Regional plan for senterstruktur og berekraftige lokalsamfunn. Det er viktig at planen tek høgde for rurale kommunar ofte har andre utfordringar enn byar og meir urbane kommunar. Når det er sagt, så står me opp under tankegangen at utbyggingsmønster og transportsystem må samordnast for å oppnå effektive løysingar, og at fortetting utgjer ein viktig strategi her.

I mange kommunar, inkludert Osterøy, kan det frå tid til annan oppstå konflikt mellom normative krav til utbyggingsmønster og til kommunen sitt behov for attraktive tomter. Dette er ei viktig problemstilling som mellom anna må bli sett i samanheng med kommunen sitt ønskje om å ha attraktive tomter for bustadetablering og næringsetablering. Attraktive tomter ligg ikkje alltid der dei skal i høve til eit normativt utbyggingsmønster. Dette er ei reell utfordring for mange distriktskommunar. Tilgang på attraktive tomter utgjer eit viktig konkurransefortrinn for kommunar som Osterøy i den regionale kampen om innbyggjarar og næringsetableringar. Det er såleis viktig for Osterøy kommune å ha ein slik strategi for å oppretthalde *den sosiale og økonomiske berekrafta* i dei ulike lokalsamfunna i kommunen, samstundes som me tek grep for å oppretthalde *den økologiske berekrafta*.

Arealbruk er ikkje så mykje omtalt under denne temaoverskrifta i planprogrammet. Me vil av den grunn streke under at det er særskild viktig med ein streng og målretta arealbruk i kommunane, og at dette må bli omtalt i planen. Dette gjeld særleg arealbruk knytt til naturmangfald og dyrka og dyrkbar landbruksareal, men óg klimaførebyggjande tiltak knytt til arealbruk.

Osterøy kommune har i kommuneplanen sin samfunnsdel lagt opp til arealbruk, klimaomstilling og samfunnsutvikling som støttar opp under FN sine berekraftsmål. Denne målsettinga er vidareført i revisjonen av kommuneplanen sin arealplan som me no er i gang med. Me er, med dette som utgangspunkt, på line med planprogrammet i skildringa av «utbyggingsmønster og arealbruk».

Me ber om at planen tek opp desse problemstillingane.

Lokalisering av arbeidsplassar, tenester og tilbod

Det er viktig at regional plan for senterstruktur og berekraftige lokalsamfunn legg sterke føringar på kvar nyetableringar av daglegvarebutikkar og anna nærtjeneste/tilbod bør lokaliserast. Lokalisering og etablering av tenester og tilbod må følgje den kommunale og regionale senterstrukturen og prinsippet om rett aktivitet på rett plass. Det er såleis viktig at nyetableringar av t.d. varehandel vert

lagt til etablerte sentra og/eller befolkningskonsentrasjonar for å bygge opp om desse. Me ber om at planen tek opp denne problemstillinga.

Utforming av omgjevnader

Her har me ingen merknader utover at me er samd i innhaldet i planprogrammet.

Bustadpolitikk

Me er samde i at det vil vere viktig å sjå nærare på korleis kommunane «kan stimulere til auka bustadbygging tilpassa behov, varierte bustadtypar, -storleik og -pris, m.a. gjennom samarbeid med næringsliv og Husbanken.» Samstundes er «stimulering til auka bustadbygging» ikkje det mest presserande for kommunar med folketalsnedgang og uheldig demografisk utvikling. Situasjonen i mange distriktskommunar er at det ikkje er særleg etterspurnad etter bustader.

Følgjande står under tema «bustadpolitikk»: *«Lokalisering, utforming av nærmiljø, bustader til eige eller leige tilpassa behovet og variasjon i butilbodet er med på å auke attraktiviteten og den sosiale berekrafta til ein stad.»* Dette er utgjør mykje av essensen når det gjeld samfunnsutvikling i mange distriktskommunar og kommunar med utprega ruralt utbyggingsmønster; butilbodet i ein kommune kan vere eit viktig verkemedel for å trekke til seg nye innbyggjarar samt halde på dei som bur der. Det er vidare viktig for kommunane å kunne tilby bustader tilpassa behov og etterspurnad, ikkje minst som følgje av den demografiske situasjonen i mange kommunar i dag og framover med fleire eldre og færre unge. Med andre ord må kommunane tenke bustadakkvisisjon for å trekke til seg nye innbyggjarar samstundes som dei også må tenke endra behov og etterspurnad som følgje endra demografisk utvikling. Dette krev ein godt gjennomtenkt bustadpolitikk. Me ber om at planen tek opp denne problemstillinga.

Barn og ungdom – trivsel og tilhøyrse

Me er glade for at trivsel og tilhøyrse blant barn og ungdom blir tema i Regional plan for senterstruktur og berekraftige lokalsamfunn. Å legge til rette for at barn og ungdom skal trivast og kjenne tilhøyrse til kommunen sin – eller grenda si, er å investere i framtida. Gode møtestader er, som planprogrammet også omtalar, svært viktig for barn og ungdom. Utfordringa i mange kommunar vil ofte her ofte vere lange avstandar og dårleg kollektivtilbod mellom bustad og møtestad. Me ber om at planen tek opp denne problemstillinga.

Merknader til planstruktur

Osterøy kommune har ingen merknader til planstruktur.

Merknader til medverknad

Osterøy kommune er samd med teksten i planprogrammet som seier at det er naudsynt å jobbe godt med medverknad internt i fylkeskommunen og med eit breitt spekter av aktørgrupper. Opplegget som er skissert i planprogrammet ser bra ut. Me har ingen merknader utover dette.

Merknader til framdriftsplan

Osterøy kommune har ingen merknader til framdriftsplan.

Merknader til organisering av planprosessen

Osterøy kommune har ingen merknader til organisering av planprosessen.

Utgreiingsbehov

Osterøy kommune har ingen merknader til utgreiingsbehov.

Rammer for planarbeidet

Osterøy kommune har ingen merknader til rammer for planarbeidet.

Konklusjon

Rådmannen rår til at høyringsinnspelet vert vedteke slik det ligg føre.

Fra: Marianne Bugge <Marianne.Bugge@vlfk.no>
Sendt: mandag 27. juni 2022 12:48
Emne: Planprogram for regional plan for senterstruktur og berekraftige lokalsamfunn på høyring

Planprogrammet for regional plan for senterstruktur og berekraftige lokalsamfunn er no på høyring. Vestland fylkeskommune inviterer alle til å kome med høyringsinnspel innan 23. september.

Legg grunnlaget for endeleg plan

Planprogrammet er «planen for planen», altså ei bestilling på kva som skal prioriterast i sjølve planprosessen. Utkast til planprogram finn de på nettsida til fylkeskommunen [her](#).

Det er i denne fasen vi får på plass temaa vi skal utdjupe i den endelege planen. Dette er tida for å engasjere seg og å kome på bana med alt av innspel og ønske. Vi håpar å høyre frå så mange som mogleg av kommunar, lag, organisasjonar, næringsliv, privatpersonar og andre. Slik kan de vere med å påverke regional plan for senterstruktur og berekraftige lokalsamfunn.

Seks føreslegne plantema

Fylkeskommunen starta arbeidet med planprogrammet hausten 2021. Sidan den gong har det vore gjennomført kartleggingar i kommunane og møte med Statsforvaltaren i Vestland, Statens vegvesen og fagavdelingane i fylkeskommunen. Med utgangspunkt i dette, utfordringsnotat og kunnskapsgrunnlaget for utviklingsplanen for Vestland, er det føreslått seks plantema for regional plan for senterstruktur og berekraftige lokalsamfunn:

- senterstruktur
- utbyggingsmønster og arealbruk
- lokalisering av arbeidsplassar, tenester og tilbod

- utforming av omgjevnader
- bustadpolitikk
- born og unge, trivsel og tilhøyrse

Inviterer til høyringsmøte

Fylkeskommunen planlegg fleire digitale høyringsmøte i perioden 22. august til 23. september. Det blir lagt ut meir informasjon om høyringsmøta på [nettsida til fylkeskommunen når det nærmar seg](#).

Her finn du også meir informasjon om arbeidet med regional plan for senterstruktur og berekraftige lokalsamfunn. Du finn òg lenke til innspelsskjema på denne sida.

Fylkesutvalet vedtok 17. juni å leggje planprogrammet ut på høyring.

Med helsing

Marianne Bugge
Seniorrådgjevar, plan

Plan, klima og folkehelse
Strategisk utvikling og digitalisering



Tlf. 91532784
www.vestlandfylke.no

SAKSPAPIR

Saksnr	Utval	Type	Dato
022/22	Råd for menneske med nedsett funksjonsevne	PS	23.08.2022

Saksbehandlar		ArkivsakID
Runar Ludvigsen		22/2548

Andre saker/spørsmål

Saksopplysningar: